

紅雪樓原
版影印

蔣士銓著九種曲

上海朝記書莊印行

唐駝署



紅雪樓原本

四絃秋

癸亥孟秋莫襄



序

壬辰晚秋。鶴亭主人邀袁春圃觀察。金棕亭教授及予宴于秋聲之館。竹石蕭瑟。酒半。鶴亭偶舉白傅琵琶行。謂向有青衫記院本。以香山素狎此妓。乃於江州送客時。仍歸於司馬。踐成前約。命意敷詞。庸劣可鄙。同人以予粗知聲韻。相屬別撰一劇。當付伶人演習。用洗前陋。予唯唯。明日乃剪劃詩中本義。分篇列目。更雜引唐書元和九年十年時政及香山年譜自序。排組成章。每夕挑燈填詞一齣。五日而畢。嗚呼。憲宗英斷之主。雖強藩不靖。而將相得人。斥

四
奸納諫柄不下移。可云盛矣。矧居易受特達之知。列在近侍。且使擇官以濟其貧。明良之會。豈衰世君臣猜忌者所及乎。乃捕賊一疏甫上。竟遭譴謫。固政府好惡之偏。而得旨施行。又何爲者。豈以殿中論事。抗直干怒。時雖暫解于裴度一言。而憲宗厭薄之心。究不能釋。因而借以出之耶。嗚呼。此青衫之泪。所難抑制者也。人生仕宦。升沉固由數命。若劉夢得。柳子厚。元微之。輩。戾由自取。豈得與江州貶謫同日而語哉。填詞雖小道。偶連類而論次之。俾知引商刻羽。時不僅因此琵琶老妓。浪費筆墨也。鉛山蔣士銓清

容氏書



四絃秋雜劇目錄

第一齣 茶別

商人重利輕別離

前月浮梁買茶去

第二齣 改官

我從去年辭帝京

謫居卧病潯陽城

第三齣 秋夢

夜深忽夢少年事

四
新
夢啼粧泪紅闌干

第四齣 送客

座中泣下誰最多

江州司馬青衫濕

四絃秋 一名青衫泪



鶴亭居士正拍

清客主人填詞

夢樓居士題評

第一齣 茶別

外淨旦丑扮客二
雜挑茶蘿隨上

茶烟輕颺

中呂過曲尾犯序百草聽驚雷穀雨將臨纔過寒食約伴牽車

看筠籠分攜外春衫逐紅旗淨散入青林下旦陰崖喜先

至丑新苗漸盈把外我等江湖茶客每年合夥向各處產

四糸和
茶之地販賣新芽以資利息兄等共有幾種了淨我在浙

江買得龍井日鑄鳩坑顧渚茶各五十觔旦我在漢口買

得四川雀舌鳥嘴麥顆露芽各五十觔外有雅州蒙頂茶

二十觔丑我在江南買得宜興含膏宣城了山壽州黃芽

六安小峴各種約三百觔老哥呢外我今年只在江西本

省買得袁州界橋茶二百觔昨到河口買了建州武彝二

百觔聞得徽州松蘿珠蘭今年最佳目下徽客齊集浮梁

我們何不一同前去衆有理丑此地九江有一敝友叫做

吳名世他積年慣走浮梁待我尋着他便好相煩指引衆

元人本色

極妙了。合休遲拋撇。下妻嬌子穉。經歷遍吳頭楚尾。都只爲青蛾白鏹。生理在槍旗。

下小旦紫衫綠背心抱琵琶上

北黃鐘

醉花陰。酒陣歌場盡拋捨。舊衫裙香消蘭麝。嫁了箇

多財壻。寡情爺。便做道恩愛差些。休得要恁離別。放琵琶

桌上坐介。兔絲固無情。隨風任傾倒。以色事他人。能得幾
時好。春風爾來爲阿誰。蝴蝶忽然滿芳草。妾身花退紅。本
是長安名妓。芙蓉兩頰。曾勻北地胭脂。楊柳雙蛾。新點南
都石黛。春蠶半老。猶戀三眠綠。葉成陰。尙含一笑。去年嫁

與茶客吳郎泛宅潯陽江上。隨他莽漢不解溫存。負我芳情。只增惆悵。清明已過。聞他又出門。咳。天長岸闊。草長鶯啼。只好守着琵琶過活也。呵。則這答江水九条斜。准脩着淚珠兒一樣瀉。

末扮茶客上。深知茶故事。未解酒生涯。喜鑽銅窟籠。不愛玉渾家。俺吳名世。販茶爲生。浮家度日。這隻船兒是我的。不免上去。小旦吳郎在何處頑耍。此刻方歸。末新茶將出。我打算向熱鬧地方去。做些買賣。你意下如何。小旦春光明媚。正好夫妻厮守。幾貫錢鈔。值得甚的來。

此之謂重利
輕別離

末娘子差矣。

南畫眉序。田宅沒些些。子母相權。是行業。甚桃花柳絮。莫
漫攔遮。肯貪伊鳳枕鴛衾。耽擱我銅山金穴。小旦你我二
人衣食所需無幾。何必奔走風塵。自尋勞攘。末錢財重。干
性命說甚勞攘。你看那些吃慣了現成飯的。到饑寒時百
樣去向人求乞。有誰顧盼來。天涯蕩子同辛苦。不換與錐
刀籌筴。

小旦長嘆介咳

北喜遷鶯。一任俺恁般牽惹。虧了恁下得拋撇。傷也波嗟。

罵倒入旅忘
家一流人

四
未我在家守着就要生病呢。小旦命注定影單形子。但骨肉團圓便似着了邪。爽快煞你無家別。末其實在外受用。小旦啐你既然學辭花病蝶。就不該做抱樹饑蛇。悶坐介。末娘子不要惱。媵婆取酒來。淨取酒放桌上下介。末俺與你飲杯酒。你彈着琵琶。唱箇曲兒。我聽出門的話。再商量着好麼。

南畫眉序對酒莫咨嗟。做水鳥雙棲。傍蓮葉把春光一片賣了還賒。小旦改客介。不是奴苦苦畱你。爲你中年的人。也要養息些兒。末娘子是好意。拚周旋暮雨朝雲。權領受。

一味白描自
然結成異彩
王實甫高東
嘉勁敵也

曉風殘月。娘子你彈唱一箇兒。琴調瑟弄都無謂。只倩你
四絃輕拽。

小旦當真不去了。末不去了。小旦喜介。

北出隊子。深感你把相思除。赦。這纔是美夫妻。着疼熱。斟
酒介。看一看陌頭楊柳把郎遮。想一想我本將心托明月。
難道是露水姻緣舊狎邪。

丑上

南滴溜子。襄陽估。襄陽估。伴兒慣結。潯陽友。潯陽友。話兒
細說。我烏子虛爲訪吳兄。一逕到此。這隻船兒是了。認明。

春江雙楫。

吳哥有麼末呀。子虛兄弟來了。請上船來。丑兄

嫂奉揖了。

小旦叔叔從何處來。丑我自京都南下的。要輕

裝趁雨前收他嫩莢。幸得相逢。真箇快悅。

末請坐了。

小旦叔叔長安來。可見俺兄弟麼。丑成德軍

反了。王承宗黔中反了。張伯靖蔡州反了。吳元濟朝廷

四路用兵。令弟選入軍伍。隨李元帥出兵去了。小旦驚

介。今番害殺人也。

北刮地風。則俺沒箇親娘。沒箇爹。誰把他補入軍帖。做不

得木蘭。替代空爲姐。埋怨殺一對鸞靴叔叔。俺兄弟嬌生

弟走從軍阿
姨死串入無
痕

死是戰士死
功是將軍功
語意沉痛

串入兩善才

嫩養如何使得鎗打得仗。丑這是死生大數只好聽之天
命。你也不必過慮了。小旦哭介。哎。喲。死和生不許分說。待
揚旗風沙慘烈。待磨刀隴水鳴咽。也算做一世人古戰場。
屍骸橫野。末娘子不必過慮。倘然殺賊立功回來。做個大
大的官。也不可知。小旦咳。便做到未央宮將軍能奏捷輪
不到小兜鍪。凌烟圖寫。還有一句話問叔叔。俺姨娘老人
家尙康健麼。丑不要說起。

南滴滴金。老年人燭淚風前。地况茶飯參苓都欠缺。病龍
鍾怎挨得多時節。不但姨娘亡故。就是你的曹師父穆師。

嗚咽不堪多
讀

父皆已先後去世。如今京師彈琵琶的。沒有舊人了。小旦
哽咽介丑堪嘆他兩善才歸墓穴。鵲絃斷絕。提不起少年
場枝共葉。留下你弟子紅粧漸朱顏變也。

末歎介不要說了。兄弟現成酒。喝一杯兒罷。對飲介小

旦

北四門子但傳來音信。淒涼絕。不由人不痛復嗟。可怎生
滿林病葉全凋謝。猛教咱哭的呆。天哭介俺的姨娘呵。料
想你藥也賒棺也賒。便紙錢灰天涯誰個捨。俺的曹師父。
穆師父呵。可憐你生共車死共穴。舊梨園誰立所琵琶神。